




26. maj 1967

Erling Høegh -
Landsrådet siulittaasuat
inuit qinigaat siulleq

Ukiut 50-inngornerat
ulloq 26. maj 2017



Ullumi Erlingip Høeghip Landsrådet siulittaasuatut inuit qinigaattut siullertut qinerneqarneranit ukiut 50-inngornerat nalliussisinnaavarput

Ullumikkut immikkorluinnaq ittumik nalliussivugut, nunatta naalackersuinikkut oqaluttuarisaaneranut pingaaruteqarluinnarsimasumik. Ullumikkut ukiut 50-it qaangiupput Landsrådet siullerpaamik namminneq akunnerminnit inuit qinigaannik namminneq siulittaasussaminnik qinersisussanngornerannit, taamalu Landsrådinut ilaasortat namminneq aalajangertussanngorlugu kina siulittaasorissanerlugu. Tamanna pivoq Landsrådet inissitsiterluni ataatsimiinnerata ulloq 23. maj 1967 ammarneqarnerata kingorna ullut pingasut qaangiummata. Tamatumunga tungaanut toqqaasarneq allaffeqarfikkoortumik Danmarkimit pisarpoq.

Kalaallit Nunaata Avannaani Kujataanilu Landsrådet 1911-mi pilersinneqarmatali, aamma 1950-imi Landsrådet kattunneqarnerata kingorna, Kalaallit Nunaanni naalagaaffiup atorfilittaasa qullersaat Landsrådinut siulittaasusarsimavoq. 1911-24-imut Inspektøri, 1925-50-imi Landsfogedi, 1950-66-imilu Landshøvdingi, taaguut 1979-ip tungaanut atorneqartoq.

Aaqqissuussinerup tamatumaa allanngortinneqarnissaanut alloriarneq siulleq pivoq 1956-imi, taamanikkut Landsrådimut ilaasortaasup Peter Nielsenip apeqquusermagu ilumut landshøvdingi tamatigut siulittaasusassanersoq. Apeqqut 1958-imi Jørgen C. F. Olsenimit malitseqartinneqarpoq, Landsrådet siulittaasussaminnik namminneq qinersisalernissaat siunnersuutigalugu. Siunnersuut taasissutigineqarami itigartinneqarpoq, 1964-imi Oluf Høeghimit saqqummiuteqqinneqarluni. Taamaalliluni ilaasortaasarsimasut arlallit Landsrådimut ilaasortat namminneq akunnerminnit siulittaasussaminnik qinersisalernissaat anguniarsimavaat. Tamanna ulloq 26. maj 1967 kiisami iluatsippoq, Erling Høegh qinerneqarmat, ukiunilu sisamani Landsrådimut siulittaasuulluni.

Pisoq pingaarutilik tamanna ullumi malunnartinniarparput nalliuttorsiualaarnikkut, ullorlu iluatsillugu naqitaaqqiaq manna saqqummersillugu, ersersinniarlugu ulloq taanna nunatsinni innuttaasut qinikkat aqqtugalugit oqartussaaqataanerannut naalackersuinikkullu oqaluttuarisaaneranut qanoq pingaaruteqartigisoq.

Nuuk, ulloq 26. maj 2017



Lars-Emil Johansen
Inatsisartut Siulittaasuat

Inatsisartut Allattoqarfiannit saqqummersinneqartoq, maj 2017

Issuaanerit: *Kalaallit Nunaanni landsråðip oqaloqatigiissutai 1967. Immikkut ittumik ataatsimiinneq maajimi 1967, Godthåb: Sydgrønlands Bogtrykkeri*

Assit: Inatsisartut Allattoqarfiat allatut allassimasoqartinnagu
Saqqaani assit: Atuagagdliutit nr. 11, 25. maj 1967, qupp. 1 (assit 1 aamma 3),
Nunatta Katersugaasivia Allagaateqarfialu (asseq 2)

Inatsisartut Allattoqarfiat · Postboks 1060 · 3900 Nuuk · ina@ina.gl · www.ina.gl

ATUAGAGDLIUTIT

GRØNLANDSPOSTEN

sisanngonek 25. maj 1967

skilaf 107-let

Nr. 11



En mærkedag

uvdlök pingártök

Tirsdag den 23. maj er en mærkedag i Grønlands historie. På denne dato der sæde af et valgt medlem af landsrådet. Her ses landsrådsmedlemmerne N. O. Christensen i spidsen på vej til åbningsgudstjenesten.

mardlúngornek majip 23-at 1967 nunavta okalugtuarissaunerane pingártúvök. uvdlök táuna landsráde angmarnekarpok pernautaussumik landsrádimut kinigauvdune ilaussortamit sujulerssórnekartur-mik. tássa landsrádimut ilaussortat Jørgen Olsen áma landshøvding N. O. Christensen sagdlersaralugit nálagiartortut, atautsiminerup angmánginerane.

Atuagagdlitit nr. 11, 25. maj 1967

ATUAGAGDLIUTIT

GRØNLANDSPOSTEN

sisanngonek 11. maj 1967

Nr. 10



Landsrådsmedlem Jørgen Olsen, der skal være ordstyrer under det konstituerende møde, bydes velkommen til Godthåb af sin kollega Peter Heilmann. Det er Jørgen Olsens datter, der står til venstre.

landsrádimut ilaussortak Jørgen Olsen, atautsimérkúnerne sujulerssúissússup-saak, Nóngmut tikitluarkunekarok ilaussortakatiminit Peter Heilmannimit. sámerdluudlune erssípok Jørgen Olsenip pánia.



Det nye landsråd på 17 medlemmer sammen med landshøvding N. O. Christensen, fotografieret foran medesalen. I en af de nærmeste dage skal landsrådet vælge sin formand blandt medlemmerne.

Atuagagdlitit nr. 11, 25. maj 1967

landsráde nuták 17-ink ilauseartalik ilagalugo landshøvding N. O. Christensen, ásalikonkaráinassut atautsimitarfluup silatáne, uvdlune xaningnerpáne landsrádíp ávünnermine sujulig-taissugase torkartugssauvá.

Atuagagdlitit nr. 10, 11. maj 1967

“Ukioq 1967, maajip 23-anni nal. 11.00 Kalaallit Nunaata landsrådiata nutaamik qinersinerup kingornatigut aallarnersaataasumik ataatsimiinnini Nuummi aallarnerpaa.

Ataatsimiinneq ammarpoq, tassalu Kalaallit Nunaata landsrådiata pernaamik akunnermini siulittaasussaminik qinersisartussanngorluni nutaamik aaqquissuussiffigineqarnerata kingornatigut qinigaaffimmi siullermi ataatsimiinnerit siullersaat.”

Radiooverassistent Jørgen C. F. Olsen, Sisimiut, ataatsimiinnermik siulersuisoq

*Ataatsimiinnermik siulersuisoq Jørgen C. F. Olsen
Asseq: Atuagagdliutit nr. 11, 25. maj 1967*



“Rådip ilaasortai makkuusut najuupput:

Radiooverassistent Jørgen C. F. Olsen, Sisimiut, ataatsimiinnermik siulersuisoq,

skoleinspektør Marius Abelsen, Nanortalik,

palasi Erling Høegh, Qaqortoq, savaatilik Erik Egede, Narsaq,

angallatip naalagaa Isboeth Petersen, Paamiut,

viceskoleinspektør Peter K. S. Heilmann, Nuuk,

aalisartooq Albrecht Josefsen, Maniitsoq,

niuertoruseq Edvard Reimer, Kangaatsiaq,

palasi Karl Skou, Aasiaat,

skoleinspektør Lars Chemnitz, Ilulissat, (Bugten),

aalisartooq David Broberg, Qeqertarsuaq, (Disko),

ernisussiortoq Elisabeth Johansen, Uummannaq,

ajoqi Knud Kristiansen, Upernavik, piniartooq Qisunnguaq Kristiansen, Thule,

ajoqi Aron Davidsen, Ammassalik, niuertoruseq Jakob Simonsen, Scoresbysund, kiisalu

niuertoq Kaj Narup, Nuuk, (Inuit Partiiata ilaasortanut immikkut ilassutisiaa).

Translatør Peter Kreutzmann ataatsimiinnermi oqaluttaavoq.

Landsrådip allattoqarfiani fuldmægtigiusoq Frode H. Christensen allattuvoq.”

”Ataatsimiittartuutitat inuit qinigaasa naalagaaffiup atorfeqartitaanik siulittaasoqartitaanissaannik aaqqissuussineq landsrådimut naammaginartutut isumaqarfiginnginnakku 1958-imi siunnersuutigisimavara landsrådip nammineq nammineq qinikkaminik siulittaasoqalernissaa.”

Radiooverassistent Jørgen C. F. Olsen, Sisimiut, ataatsimiinnermik siulersuisoq



Landsrådip sianitoqaa Ib Just Andersen 1911 kingusinnerusuk-kulluunniit

”Siunnersuutip saqqummiunneqarneraniit maanna ukiut qulingiluat qaangiutleriannguallartut ataatsimiinnerup matuma ingerlanerani landsrådimut ilaasortat akunnerminni siulittaasussartik sinniisussaalu qinertussanngorpaat.”

Radiooverassistent Jørgen C. F. Olsen, Sisimiut, ataatsimiinnermik siulerssuisoq



*Jørgen C. F. Olsen
Hans Lyngé, 1976
Uliamik annoraaminermut*

”Nunatta oqaluttuarisaanerani qaqugorsuarmut ullumikkut ulloq taaneqartarumaarpoq, tassami inuiaat kikkulluunniit pisinnaatitaaffigisariaqagaat piumasarisinnaasaallu, imminut naalakkersorneq, siunissatsinni maannamit annerusumik peqataaffigisinnaaleratsigu nammineq qinikkatsinnik siulittaasoqalernitsigut.”

Radiooverassistent Jørgen C. F. Olsen, Sisimiut, ataatsimiinnermik siulerssuisoq

Landsråðip ammaqqaarfia nalliuttorsiorlugu neriar-
toqqusineqarmat maajip ulluisa 23-anni Hans Lyngep
taalliani atuagaa *Pilluarit Danmarki*:

Najoqutaq: Atuagagdlitut nr. 12, 8. juni 1967



*Erling Høegh
Hans Lyngé, 1979
Uliamik
annoraaminermut*

”Landsråði pilermat
meeraatilluta
Assaqqoqutilissuit
ataatsimiigiat
qaannat
Naqiteriviup qaliata
asernerani igalaaq peerlugu
Erfalasoq orlersillugu
massiimminaq
...
Landsråði siumukarpoq
Isuma qaraluaratta
anngaaffiusoq
Sunaaffamassa
sorsuffiusoq
...
Sulisimasut eqqaaneqarlit aqqi”



“Tallimanngorneq 26. maj 1967
nal. 9,15.

Oqaluuserisassani immikkoortoq 6:
SIULITTAASUSSAMIK SIULITTA-
SUMULLU SINNIISUSSAMIK
QINERSINEQ.

Immikkoortoq taanna matoqqasumik
ataatsimiinnermi oqaluuserineqarpoq.

Ataatsimiinneq ammarneqarpoq
nal. 11,45.

Siulersuisup nalunaarutigaa
qinersinerup inernerisimagaa
Erling Høegh landsrådimut
siulittaasutut qinerneqarmat.”

Erling Høegh, 1967

Asseq: Jens R. Nørgaard
Nunatta Katersugaasivia Allagaateqarfialu

”Soorunami killitsissutigalugulu aalterneqaatigilaanngitsoorsinnaanngilara maannakkorpiaq nunatsinni atorfiit qularnanngitsumik akisussaassuseqarnerpaartaannik tunineqarnera landsrådil-
lu uannut tatiginninnermik takutitsinera, tatiginninnermillu takutitsineq tamanna akiniarumavara oqarlunga landsrådi landsrådillu isumai soqutigisaalu ilumoorfigilluinnarumagikka tamatigullu landsrådi tamaat atassuteqarfiginiarumlugu.

Taamaattoq oqaatigiumavara landsrådip ataatsimiinnerisa avataasigut suliassanik pingaaruteqartunik aalajangiiffiginiagassannik takkuttoqaraangat forretningssudvalgi atassuteqarfigisarumagiga siunersiortarumallugulu.”



”Naggataatigut kissaatiginiartigu aaqqis-
suussineq maanna iserfigisarput qanor-
toq nunatsinnut inuinullu pilluaqqussu-
taagili. Qujanarsuaq”!

*Palasi Erling Høegh, Qaqortoq
siulittaasoq*

*Erling Høegh
Lars Bror Larsen, 1987
Uliamik annoraaminermut*



landsráðip sujuligtaissua

landsráðip sujuligtaissortáva Erling Hoegh 42-nik ukiokarpok. nálagkersuinermut tungassunik sulialerpok 1955-ime Pámiut kinerstváne kinigauvdlune landsráðimut ilaussortágorame. 1959-imit 1963-imit K'akortup sívnissuatut landsráðimut ilaussortauvok. 1963-ime katángúminit Oluf Hoeghimit landsráðime taorsernekarpok, kommunalbestyrelsimutdle ilaussortángordlune. grønlandsudvalgip 1960-ímérsup pílersínekarneranut píssúvok udvalgimutdlo ukiut píngasut kángiúneráne ísumaliutigssissúminik sarkúmíssumut ilaussortauvdlune.

Erling Hoegh Danmarkime seminariame iliniaréráme ugperissar-siornermut tungassunik Københavnime iliniarnertút atuarfiáne ilinialerpok. 1953-ime tássane so-raerúmérpok, ukiordio táuna Kálá:dlit-nunnavtíne palasingordlune, sujugdlermik Pámiune, kingornalo K'akortume palasiuvdlune.

Najoqutaq: Atuagadliutit nr. 12, 8. juni 1967